

宋詩紀事

第三函
五冊

宋詩紀事卷五十九

錢唐山厲門鶚典緝

錢唐金肇鑾勘定

鄭域

域字中卿號松窗三山人慶元中曾隨張貴謨使
金著燕谷剽聞二卷官幹辦行在諸軍糧料院

玉藥花

維揚后土廟瓊花安業唐昌宮玉藥判然二物本不同喚
作一般良未是瓊花雪白輕壓枝大率形模八仙耳山谿
野路多見之樵斧摧殘如獮薶比之玉藥似實非金粟冰
絲那有此花鬚中有碧膽瓶別出玲瓏高半指清馨靜夜

衝九天招隱瑤臺女仙子乘風躍馬汗漫遊偷折繁香分
月姊紫莖柘葉茶蘼條少到尋常人眼底翰林內苑集賢
閣雨露承天近尺咫後人不識天上花又把山礬輕比擬
葉酸而澀供染黃不著霜縑偏入紙江鄉老少知此名鄭
格瑒音無正字方言土諺隨舌訛烏馬成焉固應爾

山丹

團欒絳蘂發枝閒鉛鼎成丹七返還乞與幽人伴幽壑不
妨相對兩朱顏

以上全芳備祖

黃楊巖

暮秋訪幽隱謝屐凌崩空行到山根門還與平地同舉手
抉層雲下視無高峯疎藤挂赤蚪枯苔糝青茸回首三神

山縹緲滄海東指點笑語高吹聲半天中安得大鵬背載
我遊無窮

延平府志

林 嶧

嶧三山人右科首選慶元中以閤門舍人守潮州

題觀稼亭

在潮州西北一里湖山下唐貞元間御史中丞李宿建

咫尺移文喚卽膺此亭便可配韓亭溪流橫過一灣碧山
色平分兩岸青落日鐘聲鳴遠樹半空塔影倒寒汀雲烟
滿目皆親種畱與邦人作畫屏

廣東通志

呂祖儉

祖儉字子約成公弟用父蔭入官爲太府丞疏論
韓侂胄安置韶州改吉州量移筠州卒理宗朝賜

謚曰忠有大愚叟集

泛舟至竹洲

沈煥叔晦所居

朝光拍天浮竹洲隱然一面城之幽中有高士披素裘我
欲從之恐淹畱探囊百金辦扁舟又煩我友著意修微風
一動生波頭飛棹來往倦則休兀兀坐曹如繫囚吏餘祗
有萬斛愁一生安坐無幾求今日棲遲如置郵脫帽露頂
固狂流俯首折腰亦可羞誓將入海登之罟棄置人間繞
指柔蒼然暮色下羊牛出處語默兩悠悠九原可起柳柳
州燕坐相與未始遊

至正四明續志

題史子仁碧沚

相家小有四明山更葺桃源渺莽閒四面樓臺相映發一

川烟水自灣環

中川疊石勢嵯峨城外遙岑聳翠螺舊說夕陽無限好此
中更得夕陽多

寧波府志子仁名守之心非叔父彌遠所爲著昇聞錄以寓規諫避勢遠嫌退處月湖與慈湖諸公講肄爲樂寧宗御書碧沚字賜之

呂祖昇

祖昇東萊人

呈洞霄孫元素

匹馬先來破曉雲千章喬木翠繽紛山圍道院窗窗見泉
出丹池處處分酒好便能澆魂磊飯香何必御羶葷明朝
又踏紅塵去多羨烟霞總屬君

洞霄詩集

張震

震字東父號無隱居士蜀之益寧人慶元中知湖州除福建提刑

遂寧府作

春苗半沒脛社酒期滿腹肩輿太守醉燈火歸騎趣唯有
漢月明依然照山曲

方輿勝覽

錢 鏊

鏊慶元閒衡州守趙忠定汝愚謫永州至衡道病
鏊窘之暴薨天下聞而寃之

次袁尚書巫山十二峯二十五韻

文昌仙伯天人姿愛山尋勝如書癡忽摩台符歷參井麾
幢泝峽春遲遲山林川后總效職萬壑千巖俱獻奇就中

巫山絕雄勝插天紫翠相參差神妃來下佩聲遠駐此名
地相安之峯旋地轉自前後屹立萬馬如追隨兩山有川
幻天巧禹功到此神應疲仰天照眼如正練舟行掣電翻
雲旗迅帆競惜峯巒過餘艫望眼裳褰帷懸崖下有欲落
石古木上有參天枝龍登鶴聚仙旣集雲昇雨暗天如低
從來三峽號至險高牙穩泛相遊嬉揚旌一覽天下勝詞
源倒峽知優爲嘗聞奇觀天亦惜遇賢輒與因其時少陵
寓此雖窮寂妙語驚人多在茲彫鐫萬象發天閭衙官屈
宋聲爭馳公今曳履星辰上調元妙手行將施天教來作
東道主歡聲和氣生江湄公來頓覺雪山重青城增氣連
峨眉首驅巫陽入新句一洗前作堪解頤英詞從此徧蜀

道迴出塵表無纖緇膏憂此地難久駐轉首絕景成嗟嘻
直欲使拂素練圖翠嶷寫松巒起雲之狀模翠屏栖鳳之
媚終朝誦公有聲畫卻來看此無聲詩

全蜀藝文志

趙蕃

蕃字昌父暘之曾孫其先鄭州人南渡寓信州之
玉山用蔭入仕監衡州安仁贍軍酒庫理宗立除
太社令不拜轉承議郎直祕閣致仕卒諡文節有

章泉集

劉漫塘志墓云先生在太和便座有齋榜曰思隱蓋當筮仕之初已有山
林之思在官清苦難以賦詠自娛以是受知于吉之鄉先生楊公萬里贈
詩有云西昌主簿如禪僧日澹秋菊嚼春冰又云勸渠未要思舊隱且與
西昌作好春又贊云貌恭氣和無日下推轂之勢神清骨聳非山頭瘦苦
之容一笑詩成萬象春風

劉後村跋云近歲詩人唯趙章泉五言有陶阮意

挽趙丞相汝愚

五王不解去三思石顯端能殺望之未到浯溪讀唐頌已
畱衡嶽伴湘纍生前免見焚書禍死後重刊黨籍碑滿地
蒺藜誰敢哭漫畱楚些作哀辭

方輿勝覽

荅施榮甫

昨韻村中好客希今吟臨水送將歸笑談未了風吹斷何
日重來款竹扉

詩家鼎鑪

上巳

朝來一雨快陰晴東郊百鳥閒關鳴受風柳條不自惜蘸
水桃花可憐生不見山陰蘭亭集況乃長安麗人行東西
南北俱爲客且送江頭逐照明

瀛奎律髓

哭蔡西山

鵲叫春林復遞詩雁回霜月忽傳悲
蘭枯蕙死迷三楚雨暗雲昏礙九疑
早歲力辭公府檄暮年名與黨人碑
嗚呼季子延陵墓不待鑱辭行可知

柳溪詩話朱晦菴書西山墓碣云嗚呼有宋蔡季通父之墓效夫子之書延陵墓也當時哭詩推此篇爲首

句

青雲道遠龍媒老白雪詞高鬼膽寒

贈阮梅峯 桐江文集

韓 滉

滉字仲止元吉之子有高節從仕不久卽歸信上

嘉定中卒有淵泉集

書姜白石昔遊詩後

平生未踏洞庭野亦不曾登南嶽峯因君談舊游恍如常
相從江淮歷歷轉湘浦裘馬意氣傳邊烽吾嘗汎大江祇
見匡廬松乘風醉臥帆影底高浪直濺嵐光濃日暮泊船
時是時方嚴冬雪花壓船船背重纜搖柁鼓聲如鐘當年
意淺語不到無句可寫波濤春君詩乃如許景物不易供
盡歸一毫端狀□□飛龍人間勝處貴著眼雖有此興無
由逢錢唐山水亦自好奈何薄宦難從容南高北高一千
丈潮頭日夜鳴靈蹤應有隱者爲識賞青鞵布韞扶杖筇
君無詫彼我媿此急還詩卷心徒忪

白石道人詩集附

懷古

近城人語雜深山人語少重露滴烟嵐野水見魚鳥稻梁

豐稔外耕鑿願溫飽所以桃源人不與外人道
少壯旣奚爲老矣復難强紫芝未必仙采之亦可餉耆耄
八九十道可無俯仰所以商山人辭漢寧獨往

戴石屏哭淵泉詩云雅志不同俗休官二十年隱居溪上宅清酌淵中泉
慷慨商時事淒涼絕筆篇三篇遺橐在當並史書傳自注聞時事驚心得
疾而死作所以桃源人所以商山人所以鹿門人三詩蓋絕筆也

七月

水石雲山裏歸來已九秋隔城如淺近鄰寺始深幽
慧遠逢修靜文淵說少游徑荒殊不埽風葉上牽牛

雨多極涼冷

焉知三伏雨已作九秋風木葉涼應脫禾苗潤必豐
地偏山吐月橋斷水浮空雞犬鄰家外魚蝦小市中

晚雨可愛

燈火涼秋夜空山雨到簷吹聲初甚少落勢近頻添籬菊
叢叢潤畦蔬種種霑沈思仍靜聽香鼎伴書籤

以上瀛奎律髓

余儔

儔字季倫號癡齋鄱陽人有蛙吹集

題韓仲止壁

謁入久不出兀坐如枯茭蒼頭前致詞問我何因來士節
久凋喪人情易嫌猜本無性命憂不去安待哉

游宦紀聞余癡齋吾鄉詩人也章泉雅愛之作書使訪韓仲止及門候謁甚久猶未出余題詩壁間拂袖去仲止見詩使人追之不返

范模

模字叔范豐城人有竹林類稿

哭趙忠定

日月開黃道乾坤奠渾儀斯人今已矣吾道竟何之玉鉉
憂思苦金縢感慨遲仆碑今復立恨不見封彝

鼯董青冥上夔龍紫極邊五龍方夾日九虎已當天夷險
丹心直安危白髮卷弔湘人不去何用解膠弦

南昌府志

姜夔

夔字堯章鄱陽人蕭東夫識之于年少客游妻以
兄子因寓居吳興之武康與白石洞天爲鄰自號
白石道人慶元中曾上書乞正太常雅樂得免解
訖不第而卒有白石詩集

題嚴州烏石寺

諸老凋零極可哀尚畱名姓壓崔嵬劉郎可是疎文墨幾

點胭脂澹綠苔

鶴林玉露嚴州烏石寺在高山之上有岳武穆飛張循王俊劉太尉光世題名劉不能書令侍兒意真代書姜堯章詩云云

姑蘇懷古

夜暗歸雲繞柁牙江涵星影鷺眠沙行人悵望蘇臺柳曾

與吳王埽落花幾今日臺空望正勝數雲未遍青草孤苦

送朝天續集歸誠齋時在金陵

翰墨場中老斲輪真能一筆埽千軍年年花月無閑處處

處江山怕見君箭在的中非爾力風行水上自成文先生

祇可三千首回施江東日暮雲

鶴林玉露姜堯章學詩于蕭千巖琢句精工有姑蘇懷古詩云云楊誠齋喜誦之嘗以詩送江東集歸誠齋云云誠齋大稱賞謂其家嗣伯子曰吾

與汝勿如姜堯章也報之以詩云尤蕭范陸四詩翁此後誰當第一功新
拜南湖爲上將近差白石作先鋒可憐公等皆癡絕不見詞人到老窮謝
遣管城儂已晚酒泉端欲乞疏封南湖謂張功父也

除夜自石湖歸苕溪

細草穿沙雪半銷吳宮烟冷水迢迢梅花竹裏無人見一
夜吹香過石橋

美人臺上昔歡娛今日臺空望五湖殘雪未融青草死苦
無麋鹿過姑蘇

黃帽傳呼睡不成投篙細細激流冰分明舊泊江南岸舟
尾春風颭客燈

千門列炬散林鴉兒女相思未到家應是不眠非守歲小
窗春色入燈花